



INSTRUCCIÓN

1.- TRANSPORTE ESCOLAR:

(Instrución 3/2014 da Secretaría Xeral Técnica da Consellería de Educación, do 5 de xuño, sobre a xestión do servizo de transporte escolar para o curso 2014-15).

Será **usuario lexítimo** do transporte escolar gratuito o alumnado cuxo domicilio se atope a unha distancia superior a 2 km do centro escolar e **sempre que faga uso continuado do mesmo**.

Poderase autorizar excepcionalmente (**usuario autorizado**) o uso do servizo de transporte ao alumnado situado a menos de 2 km e máis dun km en zona urbanizada e 500 m en zona non urbanizada, sempre que haxa vacantes, non comporte modificación de rutas nin de paradas, nin tampouco maior duración do traxecto, para cada curso escolar.

RUTAS	PARADAS
Ruta 1: Redes - Ares	O Pedregal, Cruce de Redes, Fronte á Escola, O Paralelo, Camiño de Rodelas, Seselle, O Castro.
Ruta 2: Chanteiro - Ares	Chanteiro praia, Chanteiro, Cervás, Os Galgos, Lubre Arriba, Lubre Abaixo, Cruce.

2.- COMEDOR ESCOLAR:

(Instrución 1/2014 da Secretaría Xeral Técnica da Consellería de Educación, do 5 de xuño, sobre o funcionamento dos comedores escolares de xestión directa para o curso 2014-15).

Segundo a normativa antedita, de existir máis solicitudes que prazas autorizadas no Comedor Escolar, o Consello Escolar baremará as ditas solicitudes conforme ás seguintes preferencias:

1º Alumnado usuario lexítimo do servizo de transporte escolar.

2º Alumnado de unidades familiares en situación socioeconómica de exclusión social ou cunha discapacidade igual ou superior ao 33%.

3º Alumnado pertencente a familias numerosas.

4º Alumnado fillo de pai e nai traballadores con incompatibilidade horaria coa saída do centro.

5º Outro alumnado.

En caso de empate nalgún dos apartados anteriores, aplicaranse as prioridades aprobadas polo Consello Escolar na súa reunión do día 5 de setembro de 2011, que son:

a) Ter irmáns escolarizados no centro.

b) Nivel de renda familiar.

c) Minusvalía da nai ou do pai.

d) Incompatibilidade horaria, se é o caso.

Todas estas situacións terán que acreditarse coa documentación que se sinala no apartado correspondente da solicitude.

O alumnado que teña necesidade dalgunha dieta especial por problemas médicos, deberá cubrir o apartado reservado ao efecto e xustificalo documentalmente co correspondente informe médico no que se especifique a dieta necesaria.



3.- AUTODECLARACIÓN:

Non terán que facer a autodeclaración os usuarios con situación socioeconómica de exclusión social, en situación de acollemento residencial ou familiar, o alumnado cun grao de discapacidade igual o superior ao 33% e as vítimas de terrorismo e/ou violencia de xénero.

A renda familiar obterase facendo estas operacións coa declaración do IRPF do ano 2013:

- 1.- Sumarase a base imponible xeral coa base imponible do aforro.
- 2.- Deste resultado restarase a cota líquida resultante da autoliquidación.

casíña 361 + casíña 363 – casíña 365 + casíña 368 + casíña 371 – casíña 511

Para obter a renda per cápita, o resultado de calquera das operacións anteriores divídase entre o número de membros da unidade familiar segundo a normativa do IRPF.

Para determinar a renda anual familiar hai que sumar as rendas obtidas no ano 2013 por todas as persoas que integran a unidade familiar.

Os datos obteranse da declaración anual do IRPF, segundo o sistema anteriormente indicado, e sumaranse no caso de haber dúas ou máis declaracións. Se algún dos membros non tivera a obriga de presentar a declaración, obterá os datos do borrador. Se non, terá que solicitalos á Axencia Tributaria.

Para determinar o número de membros da unidade familiar, sempre a 31 de decembro de 2013, cómpre ter en conta o seguinte:

- No caso de matrimonio está formada polos cónxuxes non separados legalmente, polos fillos menores (salvo que vivan independentemente) e polos fillos maiores incapacitados xudicialmente.
- En ausencia de matrimonio ou se hai separación legal, está formada polo pai ou pola nai e a totalidade dos fillos que convivan con el ou ela, segundo o indicado no caso anterior

O uso do servizo de comedor dará lugar ao aboamento dos seguintes prezos públicos por parte dos pais, nais ou titores legais do alumno/a usuario. Os prezos serán os seguintes:

Usuarios gratuitos	Situación socioeconómica de exclusión social, certificada polos servizos sociais; situación de acollemento residencial ou familiar; alumnado cun grao de discapacidade igual o superior ao 33%; vítimas de terrorismo e/ou violencia de xénero e renda anual per cápita inferior a 7.000 €
Abono de 1 € por día.	Renda anual per cápita de 7.000,01 a 8.000,00 €, se hai un ou dous menores en idade escolar. Renda anual per cápita igual ou superior a 7.000,01 €, se hai tres ou máis menores en idade escolar.
Abono de 2,50 € por día.	Renda anual per cápita de 8.000,01 a 9.000,00 €, se hai un ou dous menores en idade escolar.
Abono de 4,50 € por día.	Renda anual per cápita igual ou superior a 9.000,01 €, se hai un ou dous menores en idade escolar.

O importe do prezo público aboarase entre o 1 e o 20 do mes seguinte. Obterase multiplicando o prezo correspondente polos días de uso do comedor. Os usuarios deberá comunicar ao centro os días que vaian faltar cunha antelación mínima dun día.

O ingreso efectuarase en calquera das entidades autorizadas pola Consellería de Facenda, ou ben a través da oficina virtual tributaria e logo presentaranse no centro os xustificantes de pagamento nos 20 primeiros días do mes, conservando o exemplar para o interesado.

Os impresos serán entregados polo centro e tamén se poden conseguir e abonar a través do Espazo Abalar; neste caso non terán que presentar logo o xustificante no centro.

Os incumprimentos no pagamento dun mes impedirán a utilización do servizo ao mes seguinte, mentres non se proceda ao pago. Aos dous meses procederase a abrir expediente de perda de praza.